

禮

經

釋

例

禮經釋例卷十一目錄

器服之例上

凡所以馮者曰几所以藉者曰席

凡盛水之器曰壘斟水之器曰料棄水之器曰洗

凡盛酒之器曰尊斟水之器曰勺

凡酌酒而飲之器曰爵

凡亨牲體之器曰鑊

凡升牲體之器曰鼎出牲體之器曰匕

凡載牲體之器曰俎

凡盛濡物之器曰甕實濡物之器曰豆

禮記集說卷之二十一
凡實乾物之器曰簋

凡盛黍稷之器曰簋曰敦盛稻粱之器曰簠

凡實羹之器曰鉶實大羹之器曰鏡

凡扱醴扱羹之器皆曰枲

凡相見君則以玉爲摯臣則以禽幣爲摯

凡相見婦人則以棗栗服脩爲摯

凡藉玉之器曰繅

凡盛婦摯之器曰筭夫人則曰竹簠方

凡射者之器曰弓曰矢曰決曰拾

凡獲者之器曰旌曰乏曰侯

凡釋獲者之器曰中曰籌

凡取矢之器曰楅飲不勝者之器曰豐

共二十例

禮經釋例卷十一

欽凌廷堪次仲學

器服之例上

凡所以馮者曰几所以藉者曰席

廷堪案士昏禮納采主人筵于戶西西上右几

注筵爲神

布席也

親迎筵几同又舅姑旣沒則婦入三月乃奠菜

席于廟與東面右几席于北方南面

張氏爾岐曰席于與者舅席也

席于北方者姑席也與常祭同几者不同

聘禮賓將行告禰有司筵几于

室中又行聘之時几筵旣設擯者出請命注有几筵者以其廟受宜依神也又使還奠告乃至子禰筵几

于室土虞禮祝布席于室中東面右几特牲饋食禮
祝筵几于室中東面少牢饋食禮司宮筵于奧祝設
几于筵上右之此爲神布席設几也士昏禮女父醴
賓主人徹几改筵東上注徹几改筵者鄉爲神今爲人聘禮主君禮
賓宰夫徹几改筵注徹神几改筵神席更布也公食大夫禮宰夫設
筵加席几覲禮天子設斧依于戶牖之間左右几又
賓郊勞使者侯氏先升授几侯氏拜送几使者設几
答拜注上介出止使者則已布席也覲禮記几俟于
東箱注王卽席乃設之有司徹司宮筵于戶西南面
注爲尸席也又云宰授几主人受二手橫執几揖尸

注獨揖尸几禮主于尸此爲人布席設几也皆几席

並有者也士喪禮大斂奠席設于輿東面既夕朝祖

席升設于柩西又設祖奠布席乃奠此爲神布席也

士冠禮主人之贊者筵于東序少北西面此爲將冠者布席

又賓醴冠者筵于戶西南面士昏禮婦至媵布席于

輿夫婦對筵坐又贊醴婦席于戶牖間又婦饋舅姑于室

注舅姑共席于輿又云席于北墉下疏云此席將爲婦餽之位處也

鄉飲酒禮乃席賓主人介衆賓之席皆不屬焉又將

升歌設席于堂廉東上注爲工布席也側邊曰廉鄉射禮乃席賓

南面東上衆賓之席繼而西席主人于阼階上西面

席工于西階上少東燕禮司宮筵賓于戶西東上無

加席也

注無加席燕私禮臣屈也

若有諸公席于阼階西北面東

上無加席

亦屈之大射同

又主人辯獻大夫遂薦之繼賓以

西東上注亦獻之而後布席也

大射云小卿賓西東上大夫繼而東上若

有東面者則北上

又席工于西階上少東

獻筮則無席大射云席工于西階之

東東上

燕禮記若四方之賓燕賓為苟敬席于阼階之

西北面

此即公之席位其介為賓

有司徹司宮又筵于西序東面

此侑席也

又云司宮設席于東序西面

此主人席也

又云司宮

設席于房中南面

此主婦席也

士冠禮特牲禮筮日皆席

于門中闌西闕外

少牢立筮故不布席

以上皆無加席者鄉飲

酒禮賓若有遵者席于賓東公三重大夫再重公升

如賓禮辭一席使一人去之大夫則如介禮有諸公

則辭加席委于席端主人不徹無諸公則大夫辭加

席主人對不去加席鄉射禮大夫若有遵者席于尊

東大夫辭加席主人對不去加席注不去者大夫再重席正也賓一重

席燕禮小臣設公席于阼階上西鄉設加席又主人

獻卿司官兼卷重席設于賓左東上卿辭重席司官

徹之同大射大射小臣設公席于阼階上西鄉敖氏繼公曰公

不言設加席司官設賓席于戶西南面有加席燕禮

如燕禮可知以上皆有加席者聘禮禮賓及公食大禮觀禮皆有加席此為人布

席也皆有席無几者也至于士昏記婦乘以几從者
二人坐持几相對此則升車所履之几非所馮之几
也

又案周禮春官司几筵掌五几謂玉几彤几彤几漆
几素几也五席謂莞筵紛純纁席畫純次席黼純蒲
筵績純及熊席也又有韋席栢席後鄭不數者疏云
以喪中非常故也以禮經證之鄉飲酒記鄉射記皆
云蒲筵緇布純注純緣也公食大夫記司宮具几與蒲筵

常緇布純加荏席尋元帛純皆卷自末又云上大夫
蒲筵加荏席其純皆如下大夫純士虞禮素几韋席

在西序下萑席卽周官莞筵也

莞萑聲相近

周官云莞筵

紛純

鄭司農云紛讀爲和粉之粉謂白繡也

蒲筵績純禮經云萑席元

帛純蒲筵緇布純者蓋元帛上加繡緇布上加績也

又燕禮設公席

注周禮

諸侯昨席莞筵紛純加縹席

畫純聘禮禮賓

注周禮

曰筵國賓于牖前莞筵紛純

加縹席畫純左彤几則是筵孤也孤彤几卿大夫其

漆几與覲禮左右几注几玉几也左右者優至尊也

其席莞席紛純加縹席畫純加次席黼純皆據周官

經而言也若彤几則諸侯祭祀用之熊席則甸役用

之禮經無此篇故經與注皆不見也

又案鄉飲酒注賓席牖前南面主人席阼階上西面
介席西階上東面蓋推鄉射禮注之經又云賓若有
遵與便者同席亦南賓東考賓席牖前南面位在西

北故曰坐于西北也介席西階上東面位在西南故
曰坐于西南也主人席阼階上西面位在東南故曰
坐于東南也遵席賓東南面位在東北故曰坐于東
北也後人據禮記鄉飲酒義以爲隅坐非也萬氏斯
大曰鄉飲酒義前章云坐賓于西北而坐介于西南
主人坐于東南而坐僎于東北者言其方也後章云
賓必南鄉介必東鄉主人坐于東方者言其鄉也

後人行禮信其前而遺其後遂定爲側坐相向垂爲
合典郡縣諸司以吏治爲急于此無過遵行故事孰
爲審察其非其相禮執事之人類皆庸碌無知豈能
深究行之旣久羣視爲禮之固然矣竊謂明人于禮
經多束之不觀所知者惟小戴記而又未深求其義
宜乎來萬氏之譏也

凡盛水之器曰壘斟水之器曰枓棄水之器曰洗

廷堪案少牢饋食禮司宮設壘水于洗東有枓注枓
斟水器也凡設水用壘沃盥用枓禮在此也疏云言
凡總儀禮一部內用水者皆須壘盛之沃盥水者皆

用料爲之士冠禮設洗水在洗東注洗承盥洗者棄水器也士用鐵水器尊卑皆用金壘及大小異疏云案漢禮器制度洗之所用士用鐵大夫用銅諸侯用白銀天子用黃金也士昏禮言設洗不言水鄉飲酒鄉射特牲饋食記設洗水在洗東言水不言壘燕禮大射設洗壘水在東言壘不言料皆文不具也其實有洗卽有壘有壘卽有料也士虞禮設洗水在洗西者反吉也又特牲饋食禮尸盥匱水實于槃中簞巾在門內之右注設盥水及巾尸尊不就洗門內之右象洗在東少牢饋食禮小祝設槃匱與簞巾于西階

東蓋尸不就洗故別設槃匱以待其盥也

凡盛酒之器曰尊斟酒之器曰勺

廷堪案盛酒之器見于禮經者曰甒曰壺曰方壺曰
瓦大曰圓壺尊其統名也士冠禮醺用酒尊于房戶
之間兩甒少牢饋食禮司宮尊兩甒于房戶之間此
皆用甒者也兩甒者一元酒也禮器門外在門內壺
君尊五甒鄭注壺大一石五甒五斗缶大小未聞也
則甒小于壺矣鄉飲酒鄉射兩壺亦有元酒特牲饋
食記尊兩壺于房中謂婦人尊也兩壺當亦有元酒
特牲禮獻衆賓畢尊兩壺于阼階東又云西方亦如

之注為酬賓及兄弟行神惠不酌上尊卑異之兩壺

皆酒優之無元此皆用壺者也經不云方壺圓壺以

燕禮大射考之士旅食兩圓壺皆酒則此當是圓壺

矣又特牲禮祭日陳設云尊于戶東元酒在西不云

是壺是無燕禮大射卿大夫士皆方壺特牲士禮亦

方壺歟大射尊于大侯之乏東北兩壺獻酒注為隸

僕人巾車穆侯豢侯之獲者獻讀為沙沙酒濁特沛

之必摩沙者也兩壺皆沙酒郊特牲曰汁獻浼于醢

酒疏云祭侯之神故用鬱鬯郊特牲注謂沛和鬯以

語聲之誤也和鬯者中有養鬱和以盎又飲不勝者

齊摩莎沛之出其香汁因謂之汁莎

畢司宮尊侯于服不之東北兩獻酒亦兩壺皆鬱鬯
無元酒也士昏禮尊于房戶之東無元酒注無元酒
略之也燕禮大射司宮尊于東楹之西兩方壺注尊
方壺爲卿大夫士也臣道直方此用方壺者也又燕
禮公尊瓦甒兩注瓦甒有虞氏之尊也大射膳尊兩
甒注膳尊君尊也此用瓦甒大者也皆有元酒燕禮尊
士旅食于門西兩圓壺注用圓壺變于卿大夫也大
射尊士旅食于西鑄之南北面兩圓壺注旅衆也士
衆食未得正祿謂庶人在官者賤無元酒此用圓壺
者也亦兩壺皆酒此皆盛酒之器統謂之尊也士冠

士昏皆側尊。甒醴聘禮記禮賓則瓦大。士虞禮則兩甒醴酒是盛醴亦用甒及瓦大也。又士冠禮注勺尊升所以斟酒也。考鄉飲酒兩壺加二勺。鄉射兩壺左元酒皆加勺。大射方壺膳尊亦云加勺。特牲饋食記兩壺加勺。士冠禮醺用酒尊亦加勺。蓋酒在尊中必以勺斟之。然後實于爵也。燕禮方壺瓦大。圓壺不云加勺。大射圓壺及獲者釋獲者之壺亦不云加勺。皆文不具也。少牢饋食禮司宮取二勺于篚洗之兼執以升。乃啟二尊之蓋。冪加二勺于二尊。大夫祭祀威儀多也。士冠禮側尊一甒醴有篚實勺。觶角。杞士

虞禮兩罍醴酒加勺是醴亦用勺也又加勺皆南枋
士虞禮加勺南枋特牲禮爲酬賓及兄弟尊兩壺于
阼階東加勺南枋西方亦如之少牢加勺覆之南枋
是也若燕禮大射尊面嚮君則勺亦東枋歟

又案牲之在鼎曰升酒之在尊經注皆無文考左傳
哀公十三年旨酒一盛兮余與禍之父睨之杜預曰
一盛一器也釋文盛音成爾雅釋器彝鹵壘器也郭
璞註皆盛酒尊彝其總名又焦氏易林旨酒一盛又
楊雄酒賦鴟夷滑稽腹大如壺盡日盛酒人復藉醑
又漢書張騫傳注師古曰棹榼卽今之偏榼所以盛

酒耳非用飲者也據此則酒之在尊當曰盛也

凡酌酒而飲之器曰爵

廷堪案爵者實酒之器之統名其別曰爵曰觚曰觶
曰角曰散士冠禮疏韓詩外傳曰一升曰爵二升曰
觚三升曰觶四升曰角五升曰散相對爵觶有異散
文則通皆曰爵也考工記梓人爲飲器勺一升爵一
升觚三升獻以爵而酬以觚一獻而三酬則一豆矣
後鄭曰觚豆字聲之誤觚當爲觶豆當爲斗鄉飲酒
記獻用爵其他用觶鄉射記同此爲鄉飲酒鄉射而言也
若燕禮大射雖獻亦用觚宰夫爲主人辟君也至于

酬旅酬無算爵則同用觶矣。特牲饋食禮主人初獻尸。尸醕主人主人獻祝。獻佐食皆用角。注云不用爵者。下大夫也。因父子之道質而用角是也。又大射司馬獻獲者則用散。經云司馬正洗散。特牲佐食獻尸則用散。經云利洗散。注利佐食也。獻于尸。酢及祝如初儀降。實散于篚是也。特牲記篚在洗西南。順實二爵二觶四觶。一角一散。注二爵者爲賓獻爵止。主婦當致也。二觶長兄弟酌衆賓長爲加爵。二人班同迎接並也。四觶一酌奠其三。長兄弟酬賓卒受者與賓弟子兄弟弟子舉觶于其長。禮殺事相接。禮器曰貴者獻。

以爵賤者獻以散尊者舉觶卑者舉角此注皆據特
牲經文言之二觶賈氏無疏敖氏繼公曰二觶者長
兄弟以觶爲加爵因以致于主人主婦旣則更之以
酢于主人也說與注異經云長兄弟洗觶爲加爵則
衆賓長爲加爵亦當用觶注說是也觶卑于爵觶卑
于觶角散又卑于觶故代君爲主人之獻酢用觶殺
于正賓主之獻酢用爵也酬旅酬無算爵用觶又殺
于獻酢之用爵觶也若夫醴用觶而不用爵觶者醴
事質故也

凡亨牲體之器曰鑊

廷堪案士冠禮特豚載合升注煮于鑊曰亨士虞禮
側亨于廟門外之右東面注側亨亨一胖也亨于爨
用鑊特牲饋食禮亨于門外東方西面北上注亨煮
也煮豕魚腊以鑊各一爨詩云誰能亨魚漑之金鬯
少牢饋食禮羹定雍人陳鼎五三鼎在羊鑊之西二
鼎在豕鑊之西周禮春官大司馬省牲鑊後鄭曰鑊
亨牲器也是知亨牲體之器曰鑊也又魚腊亦亨之
以鑊天官亨人掌其鼎鑊後鄭曰鑊所以煮肉及魚
腊之器

凡升牲體之器曰鼎出牲體之器曰牝

廷堪案牲體之有鼎猶酒之有尊也牲體之有牝猶

酒之有勺也士冠禮醺用酒若殺則特豚載合升離

肺實于鼎設局鼎士昏禮期初昏陳三鼎于寢門外

三鼎特豚魚腊其實特豚合升去蹄舉肺脊二祭肺二魚十

有四注凡魚之正十五而鼎減一為十四者欲其敵偶也腊一肫注或作脾不

升皆飪設局鼎婦饋舅姑特豚合升側載注側載者

右胖載之舅俎左胖載之姑俎聘禮設殽飪一牢在

西鼎九羞鼎三脰一牢在東鼎七注飪熟也熟在西

上介飪一牢在西鼎七羞鼎三注西鼎無鮮魚衆介皆少

牢此中庭之饌也若豆鉶簋則設于堂上米禾薪芻則設于門外歸饗餼飪一牢

鼎九牛羊豕魚腊腸胃同鼎膚鮮魚鮮腊設屬鄧臠

臠臠蓋陪牛羊豕腥二牢鼎二七無鮮魚鮮腊上介

飪一牢鼎七羞鼎三羞鼎即陪鼎腥一牢鼎七士喪禮小

斂陳一鼎其實特豚四鬣去蹄兩肱脊肺設屬鄧大

斂陳三鼎豚合升魚鱠鮓九腊左脾髀不升既夕禮

大遣奠陳五鼎其實羊左脾髀不升腸五胃五離肺

豕亦如之豚解無腸胃魚腊鮮獸注鮮新殺者土腊用兔加鮮獸而無

膚者豕既豚解略之士虞記羹飪升左肩臂髀肫胙脊脊離肺

膚祭三取諸左脰上肺祭一實于上鼎升魚鱠鮓九

實于中鼎升腊左脾髀不升實于下鼎皆設屬鄧少

牢饋食禮雍人陳鼎五司馬胙羊右胖脾不升肩臂

臠膊胙正脊六脰脊六橫脊一短脊一正脊一代脊

一皆二骨以竝腸三胃三舉肺一祭肺五實于一鼎

注竝併也脊脊骨多各取二骨竝之以多為貴司士升豕右胖髀不升肩臂

臠膊胙正脊一脰脊一橫脊一短脊一正脊一代脊

一皆二骨以竝舉肺一祭肺三實于一鼎雍人脩膚

九實于一鼎司士又升魚腊魚十有五而鼎腊一純

而鼎腊用麋卒脰皆設屬鬲有司徹乃熬注熬尸俎

卒熬乃升羊豕魚三鼎無腊與膚乃設屬鬲禮重溫

尸俎于饗復升于鼎此皆升于鼎者也士昏禮婦至除鬲舉鼎

入七俎從設北面載執而俟七者逆退

注執七者事畢逆退由便

公食大夫禮士舉鼎去簠于外次入又云雍人以俎

入陳于鼎南旅人南面加七于鼎退又云序進南面

七載者西面又云大夫既七七奠于鼎逆退復位士

喪禮小斂奠舉者盥右執七卻之左執俎橫攝之入

又云乃杙載

杙與七同

士虞禮鼎入七俎從設左人抽屬

簠七佐食及右人載卒杙者逆退復位特牲饋食禮

贊者錯俎加七乃杙又云卒載加七于鼎少牢饋食

禮鼎序入雍正執一七以從雍府執四七以從司士

合執二俎以從司士贊者三人皆合執二俎以相從

入又云七皆加于鼎東枋又云宗人遣賓就主人皆

盥長杙

注長杙者長賓先次賓後也主人不杙言就主人者明親臨之古文杙作七

有司

徹司馬舉羊鼎司士舉豕鼎舉魚鼎以入又云雍正執一七以從雍府執二七以從司士合執二俎以從司士贊者亦合執二俎以從七皆加于鼎東枋此皆將載于俎故用七出之于鼎也故曰升牲體之器曰鼎出牲體之器曰杙也

凡載牲體之器曰俎

廷堪案牲體之有俎猶酒之有爵也公食大夫禮魚

腊飪載體進奏

注奏謂皮膚之理

魚七縮俎寢右腸胃七同

俎倫膚七腸胃膚皆橫諸俎垂之士喪禮小斂奠載

兩髀于兩端兩肩亞兩肱亞脊肺在于中皆覆進祗

執而俟特牲饋食記尸俎右肩臂臠肫脰正脊二骨

橫脊長脅二骨短脅注士之正祭禮九體貶于大夫有併骨二亦得十一之名也

膚三離肺一刲肺三魚十有五腊如牲骨祝俎脾脰

脊二骨脅二骨膚一離肺一胾俎臂正脊二骨橫脊

長脅二骨短脅膚一離肺一主婦俎殼折其餘如胾

俎佐食俎殼折脊脅膚一離肺一賓賂長兄弟及宗

人折其餘如佐食俎衆賓及衆兄弟內賓宗婦若有

公有司私臣皆殺脅膚三離肺一少牢饋食禮上利

升羊載右脾脾亦升肩臂肱膊臑臑正脊一脰脊一橫

脊一短脊一正脊一代脊一皆正脊以臑臑三胃三

長皆及俎拒舉肺三長終肺祭肺三皆切肩臂肱膊

胙在兩端脊脅肺肩張氏爾岐曰按上文已言肩不當重出且遺胃則肩字即胃字

之在上下利升豕其載如羊無腸胃體其載于俎皆

進下司士三人升魚腊膚魚用鮒十有五而俎縮載

右首進腴腊一純而俎亦進下肩在上注如羊豕凡腊之體載禮

此在膚九而俎亦橫載革順有司徹乃升司馬牝羊亦

司馬載載右體肩臂肱膊臑注臑在下者折分正脊

一脰脊一橫脊一短脊一正脊一代脊一腸一胃一

一脰脊一橫脊一短脊一正脊一代脊一腸一胃一

羊肉消臄折正脊一正脅一腸一胃一膂肺一載于南俎司士杞豕

亦司士載亦右體肩肱髀肱正脊一脰脊一橫脊

冠一正一
代齊
唐五
肺
載于
得此

二俎則以雍人所
執之俎益送之
有俎羊左肩左肫正脊一脅一腸

胃一切肺一載于一俎
 一俎一脩膚三豕切左肩折正脊一

亦以雍人所執作且羊肺一祭肺一載于一且羊肉

之俎益送之
月令一
冬月一
書一
公清賢

脊一脅一腸一胃一膻一肺一載于一
俎豕脅臂一

脊一脅一膚三膂肺一載于一俎此二俎亦以雍人

所執之組三肅且兰王壽春一胥一易一胃一膏一

益送之
婦往
左臍
脊
膈
胃
膚

一、司土批魚亦司土截口用五魚

羊肺載于生黃載之有魚亦黃載

之皆加無祭于其上。此二

三魚用益送之且此皆載于徂者也故曰載牲

子爲公少益之公曰曰

之器也又鄉飲酒記鄉討記皆云其牲狗也

享于堂東北燕禮記其牲狗也康子問外東方皆出
諸饌卽載諸俎不用鼎狗之禮殺故也俎謂之載鼎
則謂之升矣魚腊亦然

凡盛濡物之器曰壺實濡物之器曰豆

廷堪案聘禮歸饗餼賓腥二牢醢醢百壺夾碑十以
爲列醢在東上介腥一牢筭及壺如土賓是菹醢醢
醬皆盛之以壺也士冠禮醢用酒再醢兩豆葵菹羶
注今文醢士昏禮饌于房中菹醢四豆聘禮歸饗餼
羶爲蝸堂上八豆皆二以竝東上韭菹其南醢醢屈注醢醢
肉汁也
也屈錯西夾六豆北上韭菹其東醢醢屈東夾亦如之

公食大夫禮設正饌宰夫自東房薦豆六設于楹東

西上韭菹以東醯醢昌本昌本南麋臠以西菁菹鹿

臠土大夫八豆既夕禮大遣奠四豆脾析蜚醢葵菹

羸醢士虞記豆實葵菹菹以西羸醢特牲饋食禮陰

厭主婦薦兩豆葵菹蜚醢少牢饋食禮陰厭薦韭菹

醢醢葵菹羸醢少牢四豆盛于特牲主人獻祝薦兩豆菹醢注

葵菹羸醢有司徹主人獻尸薦韭菹醢昌菹醢注昌本

也非菹醢醢昌本麋臠主人獻侑主人受尸酢主婦皆薦韭菹

醢主婦受尸酢婦贊者薦韭菹醢不饋尸之禮主婦

致爵于主人賓致爵于主婦亦薦韭菹醢蓋皆二豆

韭菹醯醢也是菹醢之屬實之以豆也公食大夫禮

設正饌宰夫自東房授醯醢

注以醢和醢

不云豆考士昏

禮饌于房中醯醢二豆是實醢醢亦用豆也公食大

夫禮士羞庶羞皆有大

注大以肥美者特為醢所以祭也魚或謂之膾膾大也唯

醢蓋執豆如宰

注如宰如其進大羹消右執豆左執蓋

旁四列西北

上卿以東臠臠

注牛曰臠羊曰臠豕曰臠

牛炙炙南醢以西牛臠

醢牛鮓

注內則謂脂為膾然則鮓用鮓今文鮓作鮓

鮓南羊炙以東羊臠

醢豕炙炙南醢以西豕臠芥醬魚膾凡十六豆

上大

羞二十豆加干下

大夫以雉兔鷄鴛特牲尸入九飯佐食羞庶羞四豆

有醢注庶衆也衆羞以豕肉四豆者臠炙臠少牢

尸入十一飯上佐食羞載兩瓦豆有醢亦用瓦豆設于薦豆之北注設于薦豆之北以其加也四豆亦緹羊載在南豕載在北無臠臠者尚牲不尚味是庶羞亦用豆也皆濡物也鄉射記醢以豆注豆宜濡物故曰實濡物之器曰豆也蓋醢醢之在壺猶酒之在壺牲體之在鼎也故周禮天官膳夫醬用百有二十醢醢人王舉則共醢六十醢賓客之禮共醢五十醢醢人王舉則共齊菹醢物六十醢賓客之禮共醢五十醢也詩召南采蘋予以盛之維筐及篚然則濡物在壺亦當曰盛也

文案周禮天官醢人五齊當為七醢七菹三醢後鄭

注五醢昌本昌蒲根也切脾析鄭司農曰蜃大蛤豚

拍鄭大夫杜子春皆以拍為深蒲鄭司農云蒲弱入

日深蒲桑耳元謂深七醢醢肉汁羸蟪蛄也蠃禮經作

蒲蒲始生水中子也魚兔鴈醢七菹韭菁蔓菁也茆也葵芹菹也

也筍也荳三醢麋鹿麋也凡醢醬所和細切為

齏全物若牒為菹有骨為醢無骨為醢考士冠禮既

夕大遣奠士虞特牲少牢陰厭少牢主人獻祝皆用

葵菹羸醢聘禮歸饗餼公食大夫正饌少牢陰厭有

司徹主人獻尸主人獻侑主人受尸酢主婦受尸酢

司徹主人獻尸主人獻侑主人受尸酢主婦受尸酢

不饋尸之禮主婦致爵于主人賓致爵于主婦皆用
韭菹醯醢既夕大遣奠又用脾析脾醢公食大夫正
饌有司徹主人獻尸又皆用昌本麋臠公食大夫正
饌又用菁菹鹿臠其五齏之蜃豚拍深蒲七醢之蜺
醢魚醢兔醢鴈醢七菹之茆菹芹菹落菹筍菹三臠
之麋臠皆不見于禮經蓋天子諸侯之禮則用之其
篇亡矣醢人朝事之豆饋食之豆加豆之實得備五
齏七醢七菹三臠者天子祭祀之禮故也

凡實乾物之器曰簋

廷堪案鄉射記脯用簋注簋宜乾物也如周禮天官

籩人所掌朝事之籩也熟麥黃實也白也熬稻黑也黍

形鹽虎者之似膾生魚鮑魚鮑者于橘室中煨乾

析乾之出東海王者備饋食之籩棗禮經作栗桃乾榛

乾梅也榛實蓋乾桃濕梅乾棗加籩之實菱芡也雞頭

桌脯菱芡桌脯重言之者以羞籩之實糗餌粉蒸

日餌餅之曰糗餌言皆乾物也士冠禮兩籩栗脯既

糗糗言粉互相足夕禮大遣奠四籩棗栗脯士虞記籩棗黍栗擇特

牲饋食禮主婦亞獻設兩籩注兩籩棗栗有司徹主

人獻尸主婦設饔饔實白黑注此朝事之籩大夫無朝

禮之主人獻侑主人受尸酢主婦受尸酢皆二籩饔饔

主婦獻尸設糗與服脩主婦獻侑羞糗脩主婦致爵

于主人設糗脩如尸禮不儺尸之禮主婦亞獻設籩

棗糗栗脯

注棗饋食之籩糗羞籩之實雜用之下賓尸也栗脯加籩之實也

主婦獻

祝主婦致爵于主人賓致爵于主婦籩皆棗糗禮經

所載祇有饔飧白黑棗栗脯糗服脩無形鹽醢鮑魚

鱠乾蓀榛實菱芡之屬少于周禮籩人者蓋士冠既

夕特牲有司徹皆士大夫之禮故不能備物也又周

禮無服脩而禮經有服脩者考春秋莊公二十四年

公羊傳服脩云平何休註服脩者脯也故周禮不重

出也又特牲饋食記籩巾以綌也纁裏注舊說云纁

裏皆元被是籩巾亦有裏如筭與竹簋方矣

又案楊氏復曰士冠脯醢士昏醴賓脯醢鄉飲脯醢
衆賓辯有脯醢鄉射薦用籩脯五臠醢以豆聘禮醴
賓脯醢又筵几于室薦脯醢燕禮大射禮獻賓獻公
獻卿薦脯醢士喪禮始死奠脯醢小斂奠脯醢朝夕
奠脯醢特牲主人獻賓薦脯醢以上皆一豆一籩士
冠再醢兩豆葵菹羸醢兩籩栗脯士喪大斂臠豆兩
籩無滕士虞兩豆兩籩獻祝兩豆兩籩特牲兩豆兩
籩主婦致爵于主人兩豆兩籩以上皆兩豆兩籩既
夕遣奠四豆四籩少牢賓尸四豆四籩以上皆四豆

四籩又曰特牲禮厭祭時薦兩豆及迎尸饋食之時
佐食羞庶羞四豆皆未用籩也及主婦亞獻尸始設
籩少牢厭祭及迎尸饋食亦未用籩也逮明日賓尸
于是主婦薦韭菹醢昌菹醢取籩于房其所薦先後
之序則豆重籩輕于此可見矣竊謂楊說非也考禮
經通例食禮則有豆無籩飲酒之禮則豆籩皆有故
公食大夫有豆無籩鄉飲鄉射燕禮大射豆籩皆有
特牲尸入九飯有豆無籩主婦亞獻主人獻賓豆籩
皆有少牢尸入十一飯有豆無籩有司徹祭畢賓尸
豆籩皆有蓋禮不同則器亦異非豆重而籩輕也又

天子諸侯之祭始明日而繹至于少牢賓尸卽于祭日非明日也楊氏云明日賓尸亦誤

又案有司徹主人獻尸主婦自東房薦韭菹醢坐奠于筵前又云婦贊者執昌菹醢以授主婦主婦不興受陪設于南又云興取籩于房麴糒坐設于豆西又云婦贊者執白黑以授主婦主婦不興受設于初籩之南注此皆朝事之豆籩大夫無朝事而用之儗尸亦豐大夫之禮考醢人朝事之豆韭菹醢昌本麋麇菁菹鹿麇茆菹麋麇籩人朝事之籩麴糒白黑形鹽臠鮑魚鱠豆籩皆八此儗尸四豆四籩僅得其半

是大夫儻尸之禮遠下天子朝事之禮是殺也非豐也注蓋失之矣

凡盛黍稷之器曰簋曰敦盛稻粱之器曰簠

廷堪案聘禮歸饗餼堂上八簋黍其南稷錯西夾六

簋黍其東稷錯

東夾亦如之

公食大夫禮正饌宰夫設黍

稷六簋是諸侯盛黍稷之器謂之簋也少牢饋食禮

陰厭主婦自東房執一金敦黍有蓋坐設于羊俎之

南婦贊者執敦稷以授主婦主婦興受坐設于魚俎

南又興受贊者敦黍坐設于稷南又興受贊者敦稷

坐設于黍南祭畢餼司士進一敦黍于士佐食又進

立敦黍于下佐食是大夫盛黍稷之器謂之敦也士

昏禮饌于房中黍稷四敦士喪禮朔月奠無籩有黍

稷用瓦敦有蓋當籩位士虞禮陰厭贊設二敦于俎

南黍其東稷特牲饋食禮盛兩敦陳于西堂注盛黍

稷者宗婦也又陰厭主婦設兩敦黍稷于俎南是士

盛黍稷之器亦謂之敦也聘禮歸饌餼堂上兩簋梁

在北

注簋不次簋者梁稻加也

西夾兩簋梁在西

東夾亦如之

公食大

夫設加饌宰夫授公飯梁公設之于清西又云宰夫

膳稻于梁西又云賓坐席末取梁卽稻祭于醬清間

又云賓北面自間坐

注自間坐由兩饌之間也

左擁簋梁右執清

以降公食大夫記簋有蓋纂注稻粱將食乃設去會
于房蓋以纂是盛稻粱之器謂之簋也士盛黍稷之
器亦有用簋者特牲祭畢餽佐食分簋鉶注敦有虞
氏之器也周制士用之變敦言簋容同姓之士得從
周制耳是也說文簋黍稷方器也簠黍稷圓器也竊
謂簠乃稻粱器非黍稷器當以經文爲正周禮秋官
掌客鄭氏注簠稻粱器也簋黍稷器也其義精矣

風釋文亦
用鄭義

又案陳氏祥道曰周官掌客五等諸侯簠數有差而
簋皆十二有簠或不預是簠尊而簋卑也此說非也

考公食大夫禮黍稷爲正饌稻粱爲加饌正饌用俎
豆加饌用庶羞禮以質爲敬黍稷俎豆質也稻粱庶
羞文也正饌尊于加饌則簋亦尊于簠矣是以聘禮
歸饗餼以簠繼簋之後也特牲少牢陰厭有黍稷無
稻粱者事鬼神之禮尚質故也

又案考工記陶人爲甗實二鬴厚半寸脣寸又云甗
實二鬴厚半寸脣寸七穿皆飯器也故少牢饋食禮
云雍人概鼎七俎于雍爨廩人概甗七與敦于廩
爨蓋飯之在甗甗猶牲體之在鼎飯之用七猶牲體
之用七飯之盛于敦猶牲體之載于俎也酒之有壺

勺爵菹醢之有壺與豆也亦然七飯七牲體之器同

用七而七清之器亦用七且有挑七疏七之不同注

七七枋有刻飾者有司徹主人獻尸羞七清雍人授次賓疏

七又云二手執挑七枋以挹清注于疏七若是者三

是次賓所用者疏七雍人所用者挑七也特牲宗人

執畢注畢狀如乂蓋爲其似畢星故取名焉主人親

舉宗人則執畢導之既錯又以畢臨七載備失脫也

則畢蓋所以輔七者詩小雅大東有饒簋殽有捋棘

七毛傳殽熟食謂黍稷也七所以載鼎實竊謂此七

在簋殽之下疑爲七飯之七鄭司農云甌無底甌方

言甌自關而東謂之甌孟子以釜甌爨是甌甌又爲炊飪之器也

又案考工記旂人爲簋賈疏祭宗廟皆用木簋今此用瓦簋據祭天地及外神尚質器用陶匏之類也又引周易損卦彖鄭氏注四巽爻也巽爲木五離爻也離爲日日體圓木器而圓簋象也說文簋古文作𣪠是簋之屬皆木器或瓦器也又考工記梓人爲飲器又曰凡試梓飲器又說文觶觥觴觥等字皆从角是爵之屬皆木器或角器也又說文櫛也日酒尊又云櫛或从缶是尊壘之屬亦木器或瓦器也詩周南

卷耳我姑酌彼金罍毛傳云人君黃金罍孔氏正義
曰故異義罍制韓詩說金罍大夫器也天子以玉諸
侯大夫皆以金士以梓毛詩說金罍酒器也詩臣之
所酢人君以黃金飾尊謹案韓詩說天子以玉經無
明文司尊彝云皆有罍諸臣之所酢注云罍亦刻而
畫之爲山雲之形言刻畫則用木矣故禮圖依制度
云刻木爲之韓詩說言士以梓士無飾言其木體則
以上同用梓而加飾耳然則少牢所謂金敦祭統所
謂玉爵皆瓦器與木器但以金玉飾之而已今古器
之風盛行所售者皆範銅爲之又爵一升觶三升爵

小而觶大經傳並有明文今所售者或觶小于爵又
禮經之鼎必曰士舉之則其重可知今所售者乃小
而輕稚子可提也禮經之敦第曰主婦執之則其輕
可知今所售者乃大而重壯夫難勝也凡此之類疑
不能明嗜古器者其必有說以處此矣

凡實羹之器曰鉶實大羹之器曰鐙

廷堪案有鹽菜者謂之羹無鹽菜者謂之大羹不和
也羹之有大羹猶酒之有明水尚質也聘禮歸饗餼
堂上六鉶牛以西羊豕豕南牛以東羊豕注鉶羹器
也又西夾四鉶牛以南羊羊東豕豕以北牛

東夾亦如之

公食大夫禮正饌宰夫設鉶四于豆西東上牛以西
羊羊南豕豕以東牛注鉶菜和羹之器此皆用大牢
者故鉶羹有牛羊豕之別少牢饋食禮尸入飯上佐
食羞兩鉶取一羊鉶于房中坐設于韭菹之南下佐
食又取一豕鉶于房中以從上佐食受坐設于羊鉶
之南皆芼皆有杞有司徹主婦獻尸入于房取一羊
鉶坐奠于韭菹西主婦贊者執豕鉶以從主婦不與
受設于羊鉶之西注飲酒而有鉶者祭之餘鉶此皆
用少牢者故鉶羹有羊豕之別士虞禮陰厭設一鉶
于豆南特牲饋食禮陰厭兩鉶芼設于豆南此皆用

特豕者唯豕羹而已。是實羹之器。謂之鉶也。公食大
夫禮。正饌大羹。清不和。實于鉶。注五豆。謂之鉶。士虞
禮。尸入飯黍羹。清自門入。設于鉶。南特牲。尸入飯。設
大羹。清不云實于鉶者。文不具也。是實大羹之器。謂
之鉶也。鹽菜者。所以和羹也。凡鉶羹。皆有之。公食大
夫記。鉶芼牛藿。羊苦豕薇。皆有滑。注藿。豆葉也。苦苦
茶也。滑。莖莖之屬。士虞記。鉶芼用苦若薇。有滑。夏用
葵。冬用苴。特牲記。鉶芼用苦若薇。皆有滑。夏葵冬苴
是也。若大羹則煮肉汁矣。

凡扱醴扱羹之器皆曰枓。

廷堪案士冠禮賓醴冠者士昏禮女父醴使者舅姑

醴婦聘禮主國之君禮聘賓授醴者皆加枏受醴者

皆以枏祭醴三坐啐醴建枏與建士冠作捷聘禮不云與文不具也祭

醴三者士昏記始扱一祭又扱再祭聘禮記祭醴再

扱始扱一祭卒再祭是扱醴之器謂之枏也公食大

夫禮賓祭正饌扱上鉶以枏辯擣之法扱以枏扱其

鉶菜也士虞記鉶苴有枏少牢饋食禮尸飯之先設

羊豕四鉶皆有枏尸扱以枏祭羊鉶遂以祭豕鉶嘗

羊鉶有司徹主婦獻尸尸坐以羊鉶之枏挹羊鉶遂

以挹豕鉶挹石經作扱主婦致爵于主人祭鉶如尸禮是

力
卷一
三
扱鉶之器亦謂之柶也。士虞禮特牲饋食禮尸入但
云祭鉶嘗鉶不云扱以柶者文已見于士虞記也。醴
有糟鉶羹有菜故皆以柶扱之。周禮人注飲醴用柶者糟也長
大記清酒為之長六寸五寸頭也
凡相見君則以玉為摯臣則以禽幣為摯

廷堪案聘禮使者受圭又云受享束帛加璧受夫人
之聘璋享元纁束帛加琮注君享用璧夫人用琮天
地配合之象也圭璋特達瑞也璧琮有加往德也周
禮曰瑑圭璋璧琮以覲聘聘禮記凡四器者唯其所
寶以聘可也注四器謂圭璋璧琮考聘君之玉為圭
享君之玉為璧聘夫人之玉為璋享夫人之玉為琮

皆以瑑爲文。此聘賓所執之摯。非兩君相見及見天子之圭璧也。覲禮至于郊。王使人皮弁用璧勞。又覲時候氏坐奠圭。又四享皆束帛加璧。此圭則諸侯命圭。非聘禮之瑑圭也。是君相見則以玉爲摯也。士冠禮冠畢。奠摯見于君。遂以摯見于鄉。常作卿大夫鄉先生。注摯雉也。士昏禮納采用鴈。又賓執鴈請問名。又納吉用鴈。如納采禮。又請期用鴈。又親迎。賓執鴈。按士摯用雉用鴈者攝盛也。士昏記若不親迎。則婦入三月。然後婿見。入門東面。奠摯再拜出。注婿見于寢。摯雉也。此蓋以士相見之禮用雉大禮既成之後不攝盛也。士相見禮。摯同冬用雉。夏用豚。

注贊所執以至者君子見于所尊敬必執贊以將其厚意也士贊用雉者取其耿介交有時別有倫也雉必用死者爲其不可生服也夏用牯備腐臭也又下大夫相見以鴈飾之以布維之以索如執雉注鴈取知時飛翔有行列也又上大夫相見以羔飾之以布四維之結于面左頭如麋執之注上大夫卿也羔取其從帥羣而不黨也聘禮聘後卿大夫勞賓賓不見大夫奠鴈再拜上介受勞上介亦如之注不言卿卿與大夫同執鴈下見于國君注下見于國君當周禮作下於見國君凡諸侯之卿見朝君皆執羔聘禮記賓卽館訝將公

命又見之以其摯注大夫訝者執鴈士訝者執雉又
賓既將公事復見訝以其摯注上介執鴈羣介執雉
此皆以禽爲摯者也士昏禮納徵元纁束帛儷皮如
納吉禮疏云此納徵無鴈者以有束帛爲贄故也

納吉

用束帛亦攝盛

聘禮若過邦使次介假道束帛將命于朝又

賓至于近郊君使卿朝服用束帛勞又歸賓饗餼犬
夫奉束帛又賓朝服問卿奉束帛又夕夫人使下大

夫歸禮以束帛致之

以上皆用束帛

又賓覲主君奉束錦上

介覲奉束錦士介用玉錦束

注玉錦錦之文織緝者也禮有以少文爲貴者

又賓面卿如覲幣

如覲用束錦

又介面卿幣如覲又衆介

面如觀幣

以上皆用束錦者

此皆以幣爲摯者也。是臣相見

則以禽幣爲摯也。考周禮大宗伯以玉作六瑞以等邦國。王執鎮圭。公執桓圭。侯執信圭。伯執躬圭。子執穀璧。男執蒲璧。皆君之摯也。以禮經證之。諸侯見天子皆用玉。覲禮覲用圭。享用璧是也。天子使人于諸侯亦用玉。覲禮王使人用璧。勞是也。諸侯使人于諸侯亦用玉。聘禮聘用圭。享用璧是也。大宗伯又云以禽作六摯。以等諸臣。孤執皮。帛。卿執羔。大夫執鴈。士執雉。庶人執鵷。工商執雞。皆臣之摯也。以禮經證之。諸侯使人於卿大夫皆束帛。如周禮孤之摯。蓋盛其

禮加於卿一等聘禮郊勞歸饗餼問卿及夫人使下

大夫歸禮皆是也私覲及面卿皆用束錦者奉其君

命而來不同於自相見故不用其摯

如羔鴈雉之類

而用束

錦下束帛一等也蓋束帛則加璧束錦則加琮琮下

璧一等則束錦亦下束帛一等也惟鵞與雞禮經無

之又士相見禮凡執幣者不趨容彌蹙以爲儀疏云

案小行人合六幣玉馬皮圭璧帛皆稱幣下文別云

執玉則此幣謂皮馬享幣及禽摯皆是又執玉者則

唯舒武舉前曳踵疏云此篇直見在國以禽摯相見

之禮無執玉朝聘鄰國之事而云執玉者因執摯相

見故兼言朝聘執玉之禮也竊謂禽之於幣對文則異散文則通疏所謂幣蓋散文耳

又案士冠禮主人酬賓束帛注束帛十端也疏云禮之通例凡言束者無論脯與錦皆以十爲數也士昏禮納徵元纁束帛注束帛十端也周禮曰凡嫁子娶妻入幣純帛無過五兩然則十端爲五兩二端爲一兩矣洪氏邁容齋五筆引左傳注二丈爲一端二端爲一兩又引公羊傳乘馬束帛注以譏湘山野錄及夏英公之悞而不引儀禮經注以證之則洪氏疎於禮可知也

凡相見婦人則以棗栗服脩爲摯

廷堪案士昏禮婦見舅執筭棗栗自門入又見姑降階受筭服脩聘禮夫人使下大夫勞以二竹簠方元被繻裏有蓋其實棗烝栗擇白虎通曰婦人之摯以棗栗服脩者婦人無專制之義是婦人則以棗栗服脩爲摯也考春秋莊公二十四年秋八月丁丑夫人姜氏入戊寅大夫宗婦覲用幣公羊傳宗婦者何大夫之妻也覲者何見也用者何不宜用也見用幣非禮也然則曷用棗栗云乎服脩云乎何休曰服脩者脯也禮婦人見舅以棗栗爲贄見姑以服脩爲贄見

夫人至尊兼而用之何氏所謂禮卽據士昏禮而言也又左傳御孫曰男贄大者玉帛小者禽鳥以章物也女贄不過榛栗棗脩以告虔也婦摯不宜用幣故二傳云然曲禮曰凡摯天子鬯諸侯圭卿羔大夫鴈士雉庶人之摯匹童子委摯而退野外軍中無摯以纓拾矢可也婦人之摯根榛脯脩棗栗是知婦人之摯用幣爲非禮而棗栗服脩深合禮經公羊之義精矣

又案論語自行束脩以上集解孔曰言人能奉禮自行束脩以上邢氏疏以束脩爲十脰脯又引檀弓古

之大夫束脩之間不出竟少儀其以乘壺酒束脩一
犬賜人穀梁傳束脩之間不行竟中以證之考之禮
經服脩婦人之摯男子無用之者禮記及穀梁傳所
云疑是饋問之物非摯也後漢書延篤傳且吾自束
脩已來章懷注束脩謂束帶脩飭鄭元注論語曰謂
年十五已上也說與邢氏異

凡藉玉之器曰纁

廷堪案聘禮受命賈人西面坐啟櫝取圭垂纁不起
而授宰注纁所以藉圭也其或拜則奠于其上今文
纁作璫又云宰執圭屈纁自公左授使者使者受圭

同面垂纁以受命又云上介受圭屈纁出授賈人又
行聘時賈人東面坐啟櫝取圭垂纁不起而授上介
上介不襲執圭屈纁授賈注屈纁并持之也又反命
使者執圭垂纁北面上介執璋屈纁立于其右覲禮
乃朝以瑞玉有纁注纁所以藉玉又覲禮記奠圭于
纁上注謂釋於地也是藉圭璋之器謂之纁也其或
垂纁或屈纁者禮以相變爲文也聘禮記所以朝夫
子圭與纁皆九寸剡上寸半厚半寸博三寸纁三采
六等朱白蒼注雜采曰纁以韋衣木板飾以三色再
就所以薦玉重慎也又問諸侯朱綠纁八寸皆元纁

綠以藉玉也

繫長尺絢組注二采再就降于天子也采成文曰絢
繫無事則以繫玉因以爲飾皆用五采組上以元下
以絳爲地此言纁之制度也戴氏震曰雜記正義引
聘禮記重言朱白蒼是一采爲二等相間爲六等也
朱子亦云朱白蒼三字不知何時傳寫之誤而失之也今考覲禮注纁所以藉
玉以韋衣木廣袤各如其玉之大小以朱白蒼爲六
色旣云六色則經文朱白蒼下當重有朱白蒼三字
如雜記正義所引也又敖氏繼公曰纁以帛爲之表
元裏纁所以藉玉而又揜其上者也垂纁謂開之也
開而不揜則其纁垂說與注異不可從

又案聘禮疏云纁有二種一者以木爲中幹以韋衣之天子五采公侯伯三采子男二采采爲再行下記及典瑞皆有其文此爲纁也下記云絢組尺及曲禮下文執玉其有藉者則裼鄭亦謂之纁若韋版爲之者奠玉於上此則無垂纁屈纁之事若絢組爲之者所以繫玉於韋版使不失墜此乃有屈垂之法則此云者是也張氏爾岐曰據疏所言仍是一物韋版絢組相待爲用何得言二也今以聘禮記文考之明言纁與絢組爲一物張氏之言信矣又聘禮記凡執玉無藉者襲注藉謂纁也纁所以緼藉玉此又以藉爲

纁詳見襲襦例中

凡盛婦摯之器曰筭夫人則曰竹簠方

廷堪案士昏禮婦見舅姑婦執筭棗栗注筭竹器而

衣者其形蓋如今之筭筭簠矣

疏云此舉漢法以况但漢法去今已遠其

狀已無敖氏繼公曰筭棗栗二物同一器也又見舅

訖降階受筭股脩棗栗是見舅之摯股脩是見姑之

摯皆實于筭又舅姑既沒三月奠菜婦執筭菜又云

婦降堂取筭菜注菜蓋用莖敖氏繼公曰見用筭菜

異于生時之贊也

舅姑皆用菜亦異于生時之贊

士昏記筭緇被纁

裏加于橋舅荅拜宰徹筭注被表也筭有衣者婦見

舅姑以飾爲敬橋所以展筭其制未聞今文橋爲錡
敖氏繼公曰其實菜之筭亦如之是盛婦輦之器謂
之筭也聘禮郊勞畢夫人使下大夫勞以二竹簠方
元被纁裏有蓋其實棗蒸栗擇釋文曰簠或作簠注竹簠方
者器名也以竹爲之狀如簠而方如今寒具筭筭者
圓此方耳敖氏繼公曰竹簠尚方變于食器也敖氏從釋文
或作簠是盛夫人之輦則曰竹簠方也筭緇被纁裏竹
簠方元被纁裏蓋夫人與士婦之差矣又聘禮疏云
案玉人云案十有二寸聚栗十有二列諸侯純九大
夫純五夫人以勞諸侯彼有玉案者謂王后法有玉

案并有竹簠以盛棗栗故彼引此爲證

考工記玉人鄭注引聘禮

故疏云然

此諸侯夫人勞卿故無案直有竹簠以盛棗栗

據疏所言則是盛王后之摯用玉案也又聘禮賓將行釋幣于禰卷幣實于筭埋于西階東注埋必盛以器若藏之然則釋幣之器亦曰筭矣敖氏謂筭之制蓋亦隋方如篋與注異而無據竹簠之制旣方若筭之制亦方則士婦與夫人無別恐未必然

又案禮經諸器必有關禮例者始錄之卽有詳其形制者亦皆據經注之明文其餘瑣細無足輕重及後人臆說如聶氏三禮圖諸書所載不暇悉辨也

凡射者之器曰弓曰矢曰決曰拾

廷堪案鄉射禮司射降自西階階前西面命弟子納

射器注射器弓矢決拾旌中籌福豐也

旌中籌福豐詳見下

又司射適堂西袒決遂取弓于階西兼挾乘矢升自西

階北面告于賓曰弓矢既具有司請射注射決猶闔也

以象骨爲之著右大擘指以鉤弣闔體也遂射韞也

以韋爲之

大射注射朱韋

所以遂弣者也其非射時則謂之

拾拾斂也所以蔽膚斂衣也方持弣矢曰挾乘矢四

矢也大射儀司射適次袒決遂執弓挾乘矢於弓外

見鏃於弣右巨指鉤弣注射弣弓把也見鏃焉順其射

也右巨指右手大擘以鉤弣弣在旁挾由便也又鄉射大射三耦射時皆作釋弓說決拾此決拾卽上經所云決遂也詩小雅車攻決拾旣攸弓矢旣調毛傳決鉤弣也拾遂也是弓矢決拾皆射者之器也周禮夏官司弓矢恒矢庠矢用諸散射後鄭注恒矢弓所用也庠矢弩所用也又云二者皆可以散射也謂禮射及習射也考禮經之射用弓不用弩其矢蓋恒矢歟又夏官繕人掌王之用弓弩矢箠矰弋挾拾鄭司農云挾者所以縱弣也拾者所以引弣也詩云挾拾旣次詩家說或謂挾謂引弣矰也拾謂矰打也挾拾

卽決拾也詩衛風芄蘭童子佩韞韐毛傳韞玦也能射
御則帶韞鄭箋云韞之言沓所以彊沓手指陸氏釋
文玦本又作決孔氏正義大射云朱極三註云以朱
韋爲之食指將指無名指小指短不用此是彊沓手
指也傳以韞爲決箋又以韞爲極竊謂韞字從韋箋
義似長若決則以骨爲之矣說文韞射決也所以拘
弣以象骨韋系著右巨指說與毛傳同陳氏禮書亦
取鄭氏

凡獲者之器曰旌曰乏曰侯

廷堪案鄉射記旌各以其物注旌總名也雜帛爲物

大夫士之所建也言各者鄉射或於庠或於榭又云
無物則以白羽與朱羽糝杠長三仞以鴻脰韜上二
尋注無物者謂小國之州長也其鄉大夫一命其州
長士不命不命者無物此翻旌也翻亦所以進退衆
者糝者雜也杠撞也七尺曰仞鴻鳥之長脰者也八
尺曰尋又云君國中射以翻旌獲白羽與朱羽糝于
郊以旌析羽爲旌獲於竟龍旌大夫各以其物獲士翻旌
以獲此言旌也獲卽所謂舉旌以宮偃旌以商也鄉
射禮乏參侯道居侯黨疏云黨旁也之一西五步注容謂
之乏所以爲獲者御矢也疏云周禮射人職云王以

六耦射三侯三獲三容五正容者以革爲之可以容
身故云容也矢於此匱乏不去故云乏也大射儀司
馬命量人量侯道與所設乏以狸步設乏各去其侯
西十北十又云凡乏用革周禮夏官射人三獲三容
鄭司農云容者乏也待獲者所蔽也此言乏也卽爾
雅釋宮容謂之防也郭璞注形如今牀頭小曲屏風唱射者所以自防隱鄉射
禮未射之先乃張侯下綱不及地武不繫左下綱中
掩束之射時司馬命張侯乃說束繫綱也注侯謂所射布也綱持舌
繩也武迹也中人之迹尺二寸大射儀前射三日司
馬命量人量侯道以狸步大侯九十參七十千五十

又云遂命量人巾車張三侯大侯之崇見鵠於參參
見鵠於干干不及地武不繫左下綱鄉射記凡侯天
子熊侯白質諸侯麋侯赤質大夫布侯畫以虎豹士
布侯畫以鹿豕凡畫者丹質注丹淺於赤此賓射燕射之侯也又云
鄉侯上个五尋中十尺侯道五十弓弓二寸每弓取十弓則侯中十尺也
中十尺也倍躬以爲左右舌下舌半上
舌此言侯也卽考工記所云梓人爲侯者也周禮夏
官服不氏射則贊張侯以旌居乏而待獲考大射以
服不爲獲者是旌乏侯三者皆獲者之器也周禮服
不氏作乏射人作容故注云容謂之乏也

凡釋獲者之器曰中曰籌

廷堪案鄉射記鹿中槩前足跪鑿背容八算釋獲者奉之先首注前足跪者象教擾之獸受負也又云君國中射則皮樹中於郊則閭中於竟則虎中大夫兕中士鹿中注皮樹獸名閭如驢一角或曰如驢岐蹄周書曰北唐以閭兕似牛一角此記中制也又鄉射記箭籌八十長尺有握握素注箭篠也籌算也籌八十者略以十耦爲正貴全數其時衆寡從賓握本所持處也素謂刊之也刊本一膚膚上今刻誤多作宗疏云刊本一膚者公羊傳僖三十一年云膚寸而合何休云側

手爲膚。又投壺云室中五扶。註云鋪四指曰扶一指。按寸四指則四寸。謂刊四寸也。此記籌制也。鄉射禮。釋獲者執鹿中。一人執算以從之。大射儀。大史釋獲。小臣師執中。先首坐設之。東面退。大史釋八算于中。橫委其餘于中西。與其而俟。周禮春官大史凡射事。節中含算。執其禮事。鄭注舍讀曰釋。鄭司農云中。所以盛算也。元謂設算于中。以待射時而取之。中則釋之。考大射以太史爲釋獲者。是中與籌二者皆釋獲者之器也。王射則服不氏爲獲者。大史爲釋獲者。大射諸侯之禮亦然。國君官衆威儀多盛於鄉射之禮。

也

又案禮記投壺司射奉中鄭注中士則鹿中也司射奉之者投壺射之類也孔氏正義曰中之形刻木爲之狀如兕鹿而伏背上立圓圈以盛算又云算長尺二寸鄭注其節三扶可也或曰算長尺有握握數也投壺之中與籌卽射禮之中與籌也故鄭氏皆引射禮以證之通鑑魏元帝景元四年鍾毓每與參佐射魏舒常爲畫籌而已胡氏三省曰射之畫籌猶投壺之釋算也竊謂釋算乃射之正禮胡氏不之引而引投壺何也豈精於史學而疏於禮經歟

凡取矢之器曰楅。飲不勝者之器曰豐。

廷堪案鄉射記楅長如筈博三寸厚寸有半龍首其中蛇交韋當注兩端爲龍首中央爲蛇身相交也直心背之衣曰當以丹韋爲之司馬左右撫矢而乘之分委於當又云楅髹注髹赤黑漆也又鄉射禮三耦射竟司馬北面立于所設楅之南命弟子設楅注楅猶幅也所以承筈齊矢者是取矢之器曰楅也又鄉射禮數獲畢司射適堂西命弟子設豐注將飲不勝者設豐所以承其爵也豐形蓋似豆而卑又云不勝者進北面坐取豐上之觶興少退立卒觶進坐奠于

立者亦
于取
於楅上

豐下又云辨乃徹豐與觶大射儀數獲畢司射命設
豐注當飲不勝者射爵卒觶之儀與鄉射同是飲不
勝者之器曰豐也許氏說文豐豆之豐滿者也从豆
象形一田鄉飲酒有豐侯者又大射儀陳燕具膳尊
兩甒在南有豐注說者以爲若井鹿盧其爲字從豆
曲聲許鄭二說不同學者多疑之竊謂字之形聲兼
有者多矣當云从豆象形曲亦聲

又案豐之爲用有二一爲承觶之豐一爲承尊之豐
公食大夫禮飲酒實于觶加于豐注豐所以承觶者
也如豆而卑此承觶之豐也燕禮公尊兩瓦大有豐

注豐形似豆卑而大大射儀膳尊兩甒在南有豐注
豐所以承尊也近似豆大而卑矣聘禮記醴尊于東
廂五大一有豐注豐承尊器如豆而卑此承尊之豐
也承觶之豐如豆而卑承尊之豐如豆大而卑聘禮
記注不言大者省文也射禮飲不勝者之豐則承觶
之豐也

禮經釋例卷十一終

十月十七日讀數